

優
郵
錄



督撫浙江等處地方都察院右副都御史黃鳴

俊謹

題爲忠貞有關世教

新政首宜闡揚謹列殉難浙紳

額請早

卹以弘風勵事臣聞中興之代有拔鱗附翼之士
佐命以開基必先有蒙難捐軀之臣抗志以貞
運是以常山有舌若水指心非獨時窮節見蓋



以異國祚于既傾予人心以復旦而後興朝治
績炳炳燁燁者于此基焉茲者燕都淪陷

先帝以身殉社稷毅然守正而在廷諸臣奴顏婢膝
偷生微榮一時乾坤倒置日月晦冥類有數君
子烈烈轟轟上以酬三百年

國家養士之報下以維千百代人臣致主之誼苟
非法嚴旌別何由采著勸懲幸逢

聖政維新聿張風勵伏讀

詔書一欵該撫按確察題明准與贈卹廕謚還與建
祠欽此欽遵謹會同按臣細詢輿論博採郵
傳得死節確有可據者七人謹爲

皇上陳之

一倪元璐上虞人原任戶部尚書兼侍讀學士
本官用力樞計

召還經筵寇逼京畿

先帝宣召入對即以捐軀自誓聞變時舉朝未有死

者本官獨先致命酬神辭毋北向拜

闕從容坐縊有梓宮失據當委屍溝壑慎弗余帷以表吾痛之語

一施邦曜餘姚人原任都察院左副都御史送賊告警本官急赴張司馬責以嚴兵逼守以待外援不應既聞

先帝懼變向北稽首手書慚無半策匡時畧惟有一死報

君恩二語雉經就絕爲家人解而復甦張目曰今死尚晚餘生何爲遂服毒而卒

一吳麟徵海鹽人原任太常寺卿本官正色立朝整勅畿南亟使吳鎮興屯脩脩防慝詰奸十餘疏皆真知灼見迨于難及撐胸哭踊朝服正冠投繯引決僮僕屢阻不回旅櫬寄荒廟中逆闖服其完節相戒勿犯

一凌義渠烏程人原任大理寺卿本官一聞賊

陷以首觸柱門人進士李森力持之勵聲曰我
數十載讀書明義二十年受國厚恩國亡與亡
復何他說乃悉簡生平著述推貯塔下火之具
袍笏拜

闕復南向稽首手書寄父曰盡忠即以盡孝男視死
如歸矣但父親衰老不堪回想耳遂以短緋一
懸而絕

一周鳳翔山陰人原任左春坊右庶子本官聞
變呼天自盡家人以二親垂暮爲言作色曰臣
分當死吾親聞之亦其志也家人知不可奪泣
求遺音乃手書一慰其父一勉其子弟用心以
事老年祖父遂沐浴衣冠北向叩拜自經畢命
一陳良謨鄞縣人原任四川道御史本官臨難
謂君辱臣死吾

君何在吾不以死從乎側室時氏孕三月矣將遣之
去時氏矢志靡他相繼投繯即三月十九日事

也

一俞志虞新昌人原任貴州道御史本官奉

差巡關寇警甫至院書請出巡避難立叱之曰吾聞
以王事死不聞假王事生城陷即投繯幼子泣
解之二十三日

梓宮出殮東華門匍匐號慟是夜潛往新昌會館之
側房縊焉

此七臣者或任啓沃之隆或司剛紀之重其生
也志安社稷其死也氣作河山丹衷碧血炤煥
古今原不以身後華袞爲榮但

大典一日未煥人情一日未抒伏乞

皇上勅下該部議覆先將殉難諸賢立賜旌卹准與
應得贈廕謚祠庶臣義益明而人心丕振奮同
仇而復故物臣且拭目以俟

中興謹題

八月二十日自本省發奉

在見告

先帝憂勤十七載

祖宗養士三百年其食報臣子者僅如斯而已乎
愈少則愈貴死愈貴則不然而因以爲利者愈
無所逃于天地臣在浙言浙謹會同撫臣將
浙紳殉難諸賢及從逆諸奸博叅輿論一一據
實爲

皇上陳之

計開

殉難共七人

倪元璐上虞人原任戶部尚書兼侍讀學士初
寇警至

宣召入對即矢志捐軀城陷本官獨先致命北向拜
闕有委屍溝壑慎勿衾帷以表吾痛之語隨即縱容
坐縊

施邦曜餘姚人原任都察院左副都御史警至

本官急責張司馬提兵守禦無及已聞

先帝蒙難隨手書慙無半策匡時畧惟有一死報
君恩望

闕悲號雉經就絕

吳麟徵海鹽人原任太常寺少卿本官初整勅
畿南歷陳興屯脩脩事事卓有先見聞變擗踊
呼號朝冠袍笏望

闕叩頭投繯引決

凌義渠烏程人原任大理寺卿聞變本官即以
首觸柱有門人持之叱之曰我讀書明義久受
國恩城亡與之其復何說具袍笏拜

闕復手書寄父盡忠即以盡孝男視死如歸矣遂一
懸而絕

周鳳翔山陰人原任左春坊左庶子本官聞變
號慟自盡家人以暮親爲辭正色曰臣當死忠
吾親聞之亦其志也乃手書慰父及勉其子弟

遂衣冠北向拜畢自經捐命

陳良謨鄞縣人原任四川道御史聞變本官放

聲大呼曰臣辱君死吾

君何在而不以死從乎有側室時氏亦矢志不回即
相繼投繯而死

俞志虞新昌人原任貴州道御史本官奉

差巡關警至院書請出巡避難叱之曰吾聞以王事
死不聞假王事生城陷投繯幼子泣解之裂膚

扶水漿不入口二十三日

祭御史先考

梓宮在東華門奮身赴哭觀者縮舌夜往新昌會館
縊焉

以上七臣烺烺大節昭然耳目洵操荷劄常而
肩扶社稷峻節與山岳並峙丹心同日月爭光
伏乞

皇上勅下該部議核從優旌卹施行

八月初八日自本省發奉

聖上日殉難與從逆諸臣着禮部與法司看議具奏

疏內逆黨不抄錄

錄為廣新昌人原任貴州道御史本官奉

執官正東華門有長儀哭殯者或封深昌會驗

未樂亦入口二十三日緣幼子淳解之裂膚

貴州道巡按直隸兩關監察御史先考華隣序

君殉難事畧

不孝孤子慎脩泣血具述

先考諱志虞號華隣繇甲戌科進士任蜀李滿

于崇禎十五年冬蒙

欽取

召對特簡址臺拾陸年拾月奉

差提督山海居庸兩關東巡畢先報

命次西巡往例也廼于本年貳月貳拾陸日入

都告東事竣叁月間闖警逼聞有院書以計請曰
出差官不與在京等急出巡避難先考即正色
曰吾聞以王事死不聞假王事生惟有身殉已
耳柰十九日城陷輒投繯爾時

先帝上賓外廷實未知也先考垂絕幼弟慎憲在側
泣解暫甦更勵聲曰忠孝一致我不忠即汝不
孝弟曰惟欲我父且卜

聖駕何歸耳先考素矢是志且應曰我恍惚聞以未
得仰瞻

龍馭爲恨今姑以旣死之身留未盡之喘無何二十
日知

先帝升遐遂望

闕悲號捐絕寢食日夜露處二十三日大行梓宮出
殮東華門匍匐大慟觀者詢爲關院皆錯愕曰
是必將就死而爲此嘯咷者回寓給家人曰我

尚有待毋環守逼我入室危坐竊視之則舉筆
畧書移晷復呼曰我少假寐汝等就臥盍深恐
家人復救耳夜分人果倦睡即潛往新昌會館
之側房繼焉約畧絕于寅時云弟驚失徬徨詢
隣佑無一知者泣尋至館則身寒久矣袖遺片
紙云我引分當一死今不死于宅而死于館者
并毋許賊更知有我汝等各遠害餘無他言嗚
呼先考初死亦烈矣苦爲救援旣復從容以死
欲并其名而沒之死與人同志與人殊不更大
可哀哉會館地僻而地第措棺暫殮數椽破瓦
一櫬凄然且家丁竄竄匿並無聲息達聞迨
四月終賊遁始相聚得遣內衙親書趙萼南回
途阻遲遲抵家聞訃則不孝在武林六月十有
八日也初先考入都三月初五日有手書附本
邑新授萬中尊從者內知將有難必以身殉一
言蚤訣此書不孝接于五月初一日讀竟則神

魂喪失涕泣無從越五日其音至知先考必死
舉哀服孝更不作萬一偶全之想不孝蓬跣奔
至前途兵阻復回武林物色南來者泣問消息
多以先考亡于岑館跡不外著存亡漫云不知
不孝終以傳言無據且有何異倖惟號泣以待
果信至報死嗚呼痛哉不孝亦安用生爲柰先
人之事未了耳訃聞到邑邑之紳衿耆老俱諒
先考生平相與哀之快之以爲新邑科甲昔固
如雲矣忠節者于今僅見復相與公呈申請之
此在當道自有公評至先考一段慷慨孤踪不
孝亦何敢不自拜述焉謹于哀毀之餘脩陳巖
末若夫一言褒賜光及泉壤是所望于當世之

名公大人

附三月所寄家書

度此生永無相見之日矣今鯤兒隨 萬父母
回無如其堅執言及即哭倒先求自盡我亦萬

不能強深恐全沒於難汝又弱體可奈何我近
無刻暇凡事俱命鯤悉此即我絕筆須留爲記
其汝叔暨諸侄汝即以此均致三月初五日父
字付鴻兒收鯤係弟乳名鴻係不孝乳名

南京太子太保吏部尚書張捷等謹

題爲謹遵

屢旨補覆殉難忠魂事驗封清吏司案呈奉本部送
禮科抄出署禮部尚書管紹寧題前事奉

聖旨這殉難各官忠烈可嘉衛景瑗等五員俱依擬
與他祭墓贈廕建祠謚用正擬徐有聲等俱依
擬與他祭墓贈廕何燮遵前旨免給該衙門知
道欽此欽遵抄出到部送司案呈到部該臣等

看得寇遺君父臣死視而不瞋身衛綱嘗國卹
彰而恒旦天驕伏莽瓦裂金甌至三月十九之
鞠訥二十一史所未覩凡在朝者諠無獨生乃
惟范景文等二十四人烈烈一時此

聖明所爲褒其忠而充亟求其遺務俾仗節死義之
臣並闡幽光咸舒鬱烈以教忠者備至臣部謹
卽禮臣所臚除何燮遵

旨免給更俟論定劉大年祭墓贈廕先年已全外如

衛景瑗五臣已蒙

聖恩全卹加之易名旌忠之典挈殉節之心而永光
內戚臣劉文炳兄弟生平守禮黜遠權利先機
決策闔門自燔不愧

先帝肺腑之親尤彰 國家禮義之報若諸生許琰
布衣湯文瓊謀非骨肉力固首陽詞臣馬剛中
臬臣蘭剛中節不愧名出處咸烈舉室同殉則
有若蘓瓊丘懋素趙珽而趨 召之張焜芳可

以不殉乃死偕妻妾更奇罵賊不屈則有若余
爵并及其侄而支解之徐有聲同是一死而死
備磔裂尤酷御史俞志虞峩峩豸冠城上與殉
節烈千古德父成文桂雍雍矩蹈授命靡渝忠
義一門至碎牌嚙逆賈志反噬桎梏不回咸有
可數一一分別上

請仰候

聖裁

一貴州道御史俞志虞炤禮臣所請抗節不屈
身歿綱嘗例應贈太僕寺少卿廕一子入監讀
書

巡撫衛景瑗 撫臣朱之馮 新樂侯劉文炳
左都督劉文輝 總兵官周遇吉 戶部郎中
徐有聲 巡撫徐標 副使朱廷煥 生員許
琰 布衣湯文瓊 知州蘓瓊 簡討馬副中
知府丘懋素 監軍主事余爵 副使蘭副中
戶科給事張焜芳 主事成德父成文桂 以
上贈廕不抄錄

右殉難諸臣二十三人除兩臣免議外諸臣歿

或於途或於京或於邊或以身糜或以家燼或
事踰數年或同出近日莫不人鉉顛鉄心滴竅
丹孤城窮戰宣大振巡遠之聲至戚同休新樂
愧元規之輩三關飲泣五座流馨不乘車而載
人之危雖家食而嬰國之難晉中噴血驚傳南
省之諫臣堀室明微並識駕郎之是父瀘州守
南陽守看一門鼎鑊忻同河澗化碧而乘城羈
旅血濤猶壯於臨清監軍臣御史臣拚百節糜
塵快其司徒詈賊而焚檄慷慨遺恨更深於帳
下總之志烈萬鍊魄炯千烁汗青期不負古人
紆紫敢異夫來者而

聖明惓惓褒錄博采衆言使諸忠繼近范李遠方景
明國家得士之盛豈徒駕唐天寶宋靖康表今
日

中興之榮內諸臣中如臬臣藺剛中者幼孤刻苦
官如寒素生平有所不爲非獨一朝奮節其死

也實與撫臣蔡懋德藩臣趙建極巡臣畢拱宸
等同懋德前荷

俞錄後被

嚴綸

皇上自有定衡臣部知其死真品真時難局難終不
敢不據死封疆例冀

聖明施帷蓋於他日也建極等聞同死者二十餘人
以全晉陸沉遂無奏報與臣所聞襄陽殉難知

縣李大覺最真最烈未有言及者或以遺孤窮
弱不能赴

闕或以交知適疎莫肯爲明臣感激察實補叙之
旨敢并乞勅下傳訪如果抗節不屈同上所陳者許
據實具

聞庶僅能全命者不敢俸榮於身後而真克取義
者允無由恨於生前盛世之鼓勵尤無疆也至
衛景瑗五員應得世廕伏乞

勅下兵部議覆臣部未敢擅便爲此具本謹

題請

旨奉

聖旨這殉難各官贈廕俱依擬給衛景瑗等五員恩廕着兵部具奏

工科都給事中李

參看得壯都處難一案奉

旨祠祭額以旌忠矣茲新樂侯劉文炳與其弟文耀非

先帝之涓陽戚而同殉北都者乎大舅已亂天下小舅復欲爾耶晉人所深爲追怨於母族也不亂國而殉國如劉氏之大舅小舅難矣且視彼不類舅氏進情

國家而以忘親事仇貽笑者猶糞土也旣贈諡與擊劄馬同則一體旌旌忠嗣夫彼何疑茲生員許琰之成于南布衣湯文燮之死于北更可異焉誰膺孤竹世封願在山而爲傲誰劫一邑強

兵願在樹而為經前擬夷齊后似王燭義烈有
加安得取彼紆青拖紫朱丹其殺一而或過船又
彈別調或再來不值一文者盡為階下之羅拜
以愧其心耶旌忠祠內當正置二席矣若給事
中顧鏞彭瑄是皆以拷禁死者死則死耳惜其
后焉但當與鎮遠及顧聲述等一體附祀耳惟
衛景瑗朱之馮俞志虞華以封疆之臣於封
疆合如禮部所請俾各臣子孫自備工價建祠

於鄉有司歲時致祭可也抄出別之

覆七

出限文

中顧... 是皆以... 死者死則死耳惜其
后焉但言... 願... 體附祀耳惟

正... 席矣若給事

下之... 或過... 義烈

南京禮部右侍郎兼翰林院侍讀學士臣管紹

寧等謹

題為謹遵

屢旨補覆殉難忠魂事祠祭清吏司案呈奉本部送

禮科抄出署禮部尚書顧錫疇題為殉難之節

等事奉

聖旨依節祀義范景文等十人應得謚廕祠卹着禮
部從優儀敘有遺漏的察實補敘欽此欽遵抄

出到部送司案呈到部該臣等看得殺身取義
人臣之大經卹死勸生

帝王之大德北都之變諸臣慷慨殉節已蒙

皇上允臣所請將范景文等二十一人盡予贈謚祭
葬乃猶恐

恩卹或有未遍惓惓以補察遺漏再三申

命臣每一踞讀未嘗不感誦

皇上卹忠之仁如此其至也臣待罪禮員敢不仰體

鴻慈周諮

請卹然以聞見未的懼開濫觴謹將諸臣之奏
請子孫之陳乞已經奉

旨確有實據者臚名上

請伏候

聖裁

計開應全卹請謚五人

一巡撫大同副都御史衛景瑗城陷被執脅降

不從賊怒磔之死罵不絕口祭

會典三品病故者祭一壇今應炤抗節不屈身死

綱嘗例

請

特恩加祭一壇全堊建祠贈廕擬謚忠毅或忠壯

一巡撫宣府僉都御史朱之馮城陷被執罵賊
不屈支解而死祭

會典四品祭一壇今應炤抗節不屈身死綱嘗例

請

特恩加祭一壇全堊建祠贈廕擬謚忠壯或忠貞

一太子太師新樂侯劉文炳城陷日盡驅家屬
于樓縱火自焚死祭

會典公侯祭二壇有勲勞加太子太保以上者祭

十六壇今應炤身死綱嘗例 請

特恩加祭一壇有司造堊建祠致祭贈廕謚忠壯或

忠肅

一左都督劉文輝與兄文柄同自焚死察

會典左右都督病故者祭六壇今應炤身死綱嘗

例請

特恩加祭一壇全葬與兄同祠致祭贈廕擬謚忠果

或貞毅

一提督三關提兵官周遇吉屢敗賊兵城陷合

家自焚死察

會典左右都督至僉事病故者祭六壇今應炤身

死綱嘗例請

特恩加祭一壇全葬建祠贈廕擬謚忠武或忠桓

計開應全卹候諮訪請謚十八人

一戶部郎中徐有聲罵賊支解死科臣陸朗具

題奉

聖旨徐有聲罵賊支解殉義最烈該部從優旌卹欽

此炤

會典抗節不屈身死綱嘗例應請

特恩祭一壇減半造塋仍予贈廕

一兵科給事中顧鉉城陷自刎未絕復被執毒拷罵賊死科臣李維越疏題奉

聖旨禮部覈奏欽此炤抗節不屈身死綱嘗例應請特恩祭一壇減半造塋仍予贈廕

一工科給事中彭瑄脅降不從自刎死同前疏奉

旨應炤抗節不屈身死綱嘗例請

特恩祭一壇減半造塋仍予贈廕

一貴州道御史俞志虞城陷投繯慷慨殉節浙江按臣左光先題請奉

聖旨殉難與從逆諸臣着禮部與法司看議具奏欽此炤抗節不屈身死綱嘗例應請

特恩祭一壇減半造塋仍予贈廕

一巡撫保定兵部侍郎兼僉都御史徐標初守真定斬賊使碎偽牌爲叛將所害輔臣馬士英

等題覆奉

聖旨徐標忠憤殞身着禮部從優議卹欽此

會典三品官考滿者祭一壇全葬今應身死封

疆例請

特恩加祭一壇仍予贈廕

一大名道副使朱廷煥先碎賊僞牌固守援絕

城陷罵賊死伊弟單縣生員朱廷炳奏請奉

聖旨該部知道欽此四品文官應祭一壇今應

死封疆例應請

特恩加祭一壇半葬仍予贈廕

一長州縣學生員許琰嘗割股救母以孝聞初

聆國變日夜號泣賦詩自縊者三親朋環守

得免

哀詔到遂却粒不食嘔血數升吐舌寸餘而死觀政

進士王曰俞疏題奉

聖旨許琰以諸生憤死足愧迺降諸臣禮部覆奏欽

此應炤身死綱嘗例請

特恩祭一壇半塋量贈清華一官卹錄其後

一布衣湯文瓊城陷自縊衣帶中有位非文丞相之位心存文丞相之心二語科臣熊汝霖疏題奉

聖旨湯文瓊布衣殉難衣帶中二語烈烈可傳着核實施表欽此應炤身死綱嘗例請

特恩祭一壇半塋量贈清華一官卹錄其後

以上八臣俱國變殉節

外有同疏十人係外省殉節不抄錄

自賊氛狂肆數年以來幾無完壤迺合楚豫晉蜀諸處仗節死義寥寥不數人何世風之日下也抑銜鬚嚼齒之輩多湮落而不聞耶則夫節烈之久昭耳目之可據者風勵殆不容緩矣除衛景瑗等五員擬謚恭

請外餘十八臣琅琅大節俱無愧易名因奉旨嚴重不敢遽

請容發單諮訪補奏仍乞許各臣子孫自具工價建
祠致祭其幽芳隱節臣疏未盡者并乞

勅下所在官司採輯以闡庶節義之風不至掃地旌
別之典歷久彌彰矣爲此具本謹題請

旨奉

聖旨這殉難各官忠烈可嘉衛景瑗等俱依擬與他
祭塋贈蔭建祠謚用正擬徐有聲等依擬分別
與他祭塋贈蔭何燮遵前旨免給該衙門知道



